


Wíndamágewin ondji kichi ódenaw ogimákewin



**Kakina nandawenindamen kidji
nawanjónigen ogimákewin**

1

**Nakawe kayat ke mazinaziyen nawanjónigen
eshkwemagon mámawi eja abiyen.**

Kijigábandan eshkwemag ka píndigeshká.

Kíshpin kidinónzowin ojibíhigádeg, kida píndige kidji nawanjónadj ogimák.

Kida nandagikenindán mámawi nandagikenindjigan :

www.electionsquebec.qc.ca/verifiez.

**Kíshpin mazinaziyen konima ega gaye ka ija abín, pídón eshkwemag kidji
ándjitón kikenindámokíwin.**

Kida gashkitó :

- Nandagikenindjigan, níj manádjítágan chibwa-mashe nawanjonigen :
www.electionsquebec.qc.ca/inscription;

konima gaye

- Kín tibinawe, eji wíndamágon kediján ondaje eshkwemag. ljiwidón wíndamáge eshkwemagon mámawi kidji wábandahiwen kidinónzowin, ka nígiyen ashidj eja abin.

Násáb igodj : tawe pimibidjige eshkwemag

mino pimádizi ASHIDJ ánimítágozi eshkwemag

ka nígiyen eshkwemag ASHIDJ ishkode píwábikons eshkwemag

Ega gashkitón kidji mígiwen kín tibinawe mazinahigan eshkwemag? Kín inóde, ki wídigemágan konima awiya wadabímig, ta mígiwen eshkwemag chibwa mashi ogimáke kígig.

Ká'n píwoken!

Kíshpin ega mazináziyen mámwí kwayak eji abin, ká'n kiga gashkitósí kidji nawanjónadj ogimá ogimákwewin kígik

Kidji nawanjónigen, ijinágwad :

- Kanage 18 taso pibóneziyen;
- Kánádáng abiyen gaye;
- Ashidj kí abín Kebekong mámindji nónd ningodáswe kízison;
- Ega waniton ogimákwewin inákonigewin.*

*Awiya waniton wín ogimákwewin inákonigewin kíshpin pimóndang madji-todan ishkwehahí nánan pibón konima gaye waniton ogimákwewin tibákonigewin.

2 Nawanjónan kín ondji apích endaso tibahiganeg kidji ogimáken.

Ogimáken ogimákwewin kígigag

Iye apích, kinawe níbina ogimákwewin anokíwádj taniziwag.

Ogimákwewin kígigag iye apích, kedije ogimáken shesin 9:30 kígíjeb ako 8 onágoshig. Kín ondamítáwin mámakádj mámindji nond new tibahigan kidji ogimáken.

Nígán ogimákwewin

Apích níjogon kakina ogimákwewin eteg **ayán mákizi ondji pemádizidjig.**

Ogimákwewin mámwí ajekíwe ondamítádj

Kida ogimáke eji ondamítádj ajekíwedj, ningodiji Kebekong. Kida keyábadj ogimáke ondji awiya kín eji abiyen. Píwin inen konima kinwá, kíshpin nódjánimisiwadj.

Nanda gikenindán tasogonagad ashidj endaji maya :

www.electionsquebec.qc.ca/vote-autre-circonscription

Kodag ogimákewin inákonigewinan

Ogimákewin kichi kikinámádináning

Nánánind kichi kikinámádinánan násáb igodj (CEGEPs, ashidj kodagan ishpa kikinámádinán) ashidj inanokí kikinámádinán ayánáwán ogimákewin abinánsan. Kida ogimáke ondji awiya indaje kín abiyen.

Andagikenindan ándí ashidj ánín apích kidji ábadjiton iye :

www.electionsquebec.qc.ca/campus.

Ogimákewin agwadjehe Kebekong

Kíshpin abiyen agwadjehe Kebekong, konima kida gashkitó kidji ogimáken níndahíwewin inakág. Ijinágwad kidji mígiwen eshkwemag chibwa mashi mádjiseg ogimákewin.

www.electionsquebec.qc.ca/exterieur.

Ogimákewin wásá eteg tanakíwin konima gaye abinás

Ogimákedjig pabamádizig wásá kidji ogimáken. Keshawadj kego tagon kidji wendad ogimákewin. Ganój kín tibinawe kíwe ogimáke ondji awashamenj kikenindamókíwin.

3 Ki kichi inenindágoz: mádján ogimáken!

Apích ogimáken, ki nawanjóna MNA (awiya Kichi Ogimá-ogamigong) ondji kín ogimáke abináns.

Ke tódaman kidji ogimáken

1. **Wíndizon** ashidj iján ashidj wábandahiwen pejik ono eshkwemagon :
 - Kebek pimibidjige eshkwemag
 - Kebek mino pimádize eshkwemag
 - Kánádá pabamádize eshkwemag
 - Keget Anishinábe eshkwemag
 - Kánádá Shimáganishi eshkwemag
2. **Abadjíyi miskwáwák** kidji ojibíhigen ka mínig iya ogimákewin anokídj. Ojitón kego ayeng tidibá-ahí inónzowining wa nawanjónadj.



3. **Manibidon iye eshkwemagons** wenzikag ogimáke eshkwemagong.

4. **Atón tash ogimáke eshkwemag** píndjehe ogimáke atáganing.

Kidji ogimáken, ká'n nandawenindazínin eshkwemagon ka oditinaman násáb igodj kidji píndigen ashidj mámidonenind eshkwemag. Enowek, kida pídonan kidji wídókawádag ogimákedjig.

Kidji kikenimadj iya ogimákewin inakág peshodj endán :

www.electionsquebec.qc.ca/candidatures.

Ogimákewin kakina odayán



Apích ogimáke kígigag, mámindji kediján kidji ogimáken tagon mákizi wídókázowin, nánind káwín. Kidji andokikenindaman kíšpin kidogimáke abinás ayádj mákizi ábadjitówinan, andakikendan www.electionsquebec.qc.ca/ou-quand.

Kíšpin ega ogimáke abinás ega minoseg, ganój ajekíwe anokídj, kidji mikang kodag abinás kidji ogimáken.

Kakina nígán ogimákewin abinásan tagonon ondji mákizizidj.

Kakina ogimáken abinásan, ábadjitówinan atewan kidji wídókágon, ashidina miskwáwák ashidj kagíbingwe kikinawábandjigan ashidj wáskakone pagakábowán. Ká'n waníkeken kidji kwagwedjimadj iya ogimáke anokídj ondji inen.

Kíšpin nandawenindaman nindján ánimitágozi ega nondaman, kwagwedjim iya ajekíwe anokídj nígán kidji oditináman.

Kíšpin ega gashkiton kidji mamádjín?

Kida kwagwedwe kidji ogimáken endán konima gaye endádj kiwídókágan. Kiwídókágan kida ogimáke kaye wín násáb kín, kíšpin minoseg. Kida kwagwedwe kidji ogimáken endán, songi ogamigong, ákozi ogamingong, konima gaye ánimiziwin ogamigong. Mámakadj ke mígiwen eshkwemag kwagwedewen mámindji nónd níj manádjítágan chibwa mashi ogimákewin kígigad.

Ogimáke ondamidádjig ijíwag memindage kejeyádizi ogamigon kakina. Kíšpin ega ijásíwadj endaniziyen, kida atón kwagwedwe eshkwemag níj manádjítágan chibwa mashi kidji ijáwadj.

Shóniyá ashidj ogimákewin

Kíshpin ayáman kashkitówin kidji ogimáken, kida mígiwe :

- **Ako \$100 igo pibón** ondji pepejig kichi ogimág, ashidj kodag wa pín digedj;
- **Ako \$100 awashamenj** apích ogimákewadj igo pibón, ondji \$200 kakina.

Kín ogimáken kida wewenind ta ingi oditinigewin ondji wín awiyá kín wadókawadj ondji ogimákewin. Konima kida oditinanáwá shóniyá ondji wín ogimákewin ka ábadjitówadj. Ogimákidjig ta oditinanáwá pejig pibón wíkobidjigewin. Kín tash ogimákewin kida wídókawá awiyag, pochigodj ega pín digesíg ogimákewin.

Tibishkodj inakág, ogimáke shóniyá ka ábadjitówadj pepejig násáb oditinán indaji násáb endaniziwadj. Ishkwá ogimákewin, awasogo wa ogimákedizodjig mámakadj ke mígiwewadj ka wanádjításowadj ogimákewin kidji wewenind kí nósanewámowadj kakina shóniyá tibahigewinan. Onon tibahigewinan wídókagemigad kakina awiyeg kidji ogimákewadj apích ijewebag iye.

Mí iyo kegetenám tibádjimowin inakág kichi ódenaw ogimákewin

Ogimákewin Kebekong nishikewizi, wídj násáb kidji ojítódj ogimáke inanokíwin. Odápinán kesháwadj ayángwámíwin ashidj kegetenám inen ogimákewin. Kakina ogimákewin ijichigewin wewenind kijigábigáde, nanáj ako agindágwag wendjisege ogimákewin.

Megwe ogimákewin tagong, ká'n tebwe kikenindamókíwin konima ta tidibashka agwadjehi. Awaso kikenindamókíwin konima ta pabandjniton ánín maya ke dije ogimáken konima gaye kíshpin kedawi iján kidji ogimáken.

- Nayegadj igodj ani kikenindan tebwewin ashidj wenzikág chibwa mashi wíndamágen.
- Ká'n kotádjiken kidji kwagweden sasaweyádjimowin nanda kikenindjigan kíshpin konima tebiziwin konima gaye ánimenindamowin.
- Andjitón ándí wendjibidege kikenindamókíwin ashidj ayangwámín awegonen nábowadaman konima gaye nóndaman.
- Mamidonenindan ká'n kakina nanda gikendjigan ábadjitowinan kágige ká'n kegetenám ikidomagadisison.

Ondji keget kikenindamókíwin inakág kichi ódenaw ogimákewin, ábadjiton Ogimákewin Kebekong, mí iye wewenind tibádjimowin. Ká'n gwínawi tódagen, ánimítógozin igodj.

Wa-ogimákedjig kikinámawák

Píj kidoshkinídjig kidji ogimákewadj kaye wínawa!

Kidábinódjínshimag ta kikinamózíg
ogimákewin eteg indaje ondji wínawa.
Wínawa nakwetamog kwagwedjimandog
inakág ogimáke apítenindágwag ogimákewin
inakág. Iyo kwagwedjimowin
Wemitogojímagad.



www.electionsquebec.qc.ca

1-888-ELECTION (1-888-353-2846)



electionsquebec